

鶴山縣志

第三册

卷八 卷九

卷十 卷十一

道光丙戌年版

鶴山縣志卷之八

人物列女

元

李從輪妻梁氏祿祠人元末西賊侵掠從輪舉家被害梁與妾麥氏被擄舟中賊欲犯之梁大罵曰我本良家女官家婦今日恨不得斫爾頭以報我夫於地下爾敢污我遂與麥同溺水死

志舊

明

呂師賢妻楊氏樓冲人明初土寇流劫欲逼之赴水

死
同上

李彦升妻馮氏祿祠人夫歿遺四子二女夫弟彦常亦逝其妻棄子而他適族有廣明者賣田與彦升至是欲奪之族人庚長暮夜被殺廣明遂貨族惡李儒

祖輩誣其子亮羅織成獄監繫於郡期功懼禍皆莫
顧馮出則訟冤入則課僮僕力作以供衣食辛苦萬
狀男女漸長各擇昏配亮繫獄九年遇赦得釋馮卒
於正統丙寅壽八十一歲家譜
蘇本妻麥氏附城都人宏治間本任福建明溪驛丞
卒於官麥年二十七無子扶柩歸葬有富人遣媒議
婚麥曰夫影在堂問之應吾即許矣媒愧而退自是
不梳不飾專紡績以奉姑縣令羅僑親拜其門表曰
清閨白壁志舊
生員李夔妻張氏祿洞人事姑有婦道嘉靖間盜破
祿洞張被執以死自誓盜憐其色防閑甚嚴至大陂
逕欲犯之大罵不屈賊怒殺之督學蔡克廉表其閭
曰烈婦之門

雙節婦王橋人一易鵲妻馮氏一生貞易天津妻劉氏姊妹也二氏同居甚睦嘉靖二十七年同為流賊所擄馮抱幼男劉抱弱女私相語曰今當存者子女耳行至倉邊塘給賊曰吾弱質子女在負如道路何盍緩吾索釋子女可便於行賊從之二氏相挽赴水賊以短戈中馮胸立死水中劉抱馮屍俱沈而死事聞當道表其門上俱同

明海瑞雙節詩懷貞婦女起人欽天心地寥寥幾可尋喜見兩姐同水死固宜雙石表儒林冰壺玉璧清無敵深草寒煙淚不禁有光玉顏兩箇鐵所腸失身羣盜寧甘死加志五倫真與常人間遠天水雲愁茫茫氣獨昂春好草無芳夜臺已與人孝順性成善事舅姑嘉靖間李邦珍妻施氏朱村人孝順性成善事舅姑嘉靖間邦珍被盜妄扳繫獄施百計饋給盜奪夫衣施以裙禦夫寒艱辛萬狀為夫訴冤卒昭雪焉

屏生呂三復妻黃氏樓冲人年二十二守節壽八十

五縣令王命璿請題旌志舊

陳應蘭妻李氏孀守無玷王命璿題其門曰儒門孝

節同上

勞大進妻黃氏石頭人姑曾氏以孝謹聞黃善豕志

進歿無子嫂陰受彭聘黃覺哭曰一身再醮辱甚於

死所不即自裁者欲俟叔之子定繼以妥先翁姑及

亡夫靈也彭覲黃厚奩遂速之獄知縣王命璿數其

罪而杖之人為彌快撫叙次子為嗣恩勤若已出孝

慈節義克全無玷新會志

呂鳳廷妻鄧氏樓冲人年二十一歲明末土寇流劫

古勞鄧襁負幼兒遇賊恐為所污急置兒桑間赴水

死舊志

吳獻妻陸氏選田人獻結義旅抗
王師高明城破竄走執陸問夫所在陸不屈赴水死
語詳獻傳屍沒不可得家人取舊所著綠裙招魂葬
之春秋奠酒漿焉縣採訪

謹案舊志既諱獻事不書垵言陸為土賊所
劫皆失實茲據選田吳氏族譜改正

國朝

四貞烈俱古勞人順治甲午李定國掠古勞有古嘉
賢妻勞氏與其妯任氏赴東池或救甦之勞曰毋救
我我死為幸竟與任并二女更赴西池死有楊春魁
妻胡氏偕男與幼女俱赴并死有勞貞娘少孤性狷
潔聞李定國之虐嘗語其姑姊妹以死自誓及寇至
遂赴水死有古周平妻李氏聞亂更服拜辭其夫赴

并死其女靈娘亦從之肇慶志

謹案舊志有勞勝娘即貞娘也勝娘死里人

為賊貞娘之歌故新會志重出並載而舊志

仍其誤茲刪去

明經吳孟禔妻譚氏性聰慧順治癸巳里中并故墮
瓶忽浮起象往觀以為祥譚獨曰瓶陶器土也不着
土而浮土動也有水非罾井不可窺也此方其有變
乎明年甲午滇寇圍城孟禔曰賊若破城不能相顧
矣各宜自保以圖後聚譚泣曰君幸自重樂昌破鏡
之事妾所羞為也倘遇患難惟有死而已未幾兵入
室譚避牀下禔被執臨以白刃譚見之躍出大呼曰
彼瘦我肥何不食我兵舍禔曰譚不忍相持爭死
譚目揮之曰此何時尚不疾走禔甫脫回顧譚及已

加胸矣時十月十一日也

志舊

李娘大唐里人年十六受聘未笄流賊劫之乘以馬

李馬上奮躍罵賊奪刀自刎死

譚氏烏石譚定國女年十九為流賊陸社隆所掠欲

汚之女曰我良家女賊何敢然賊怒剖其腹於松樹

下至今鄉人稱其樹曰貞女松

麥翰卿妻楊氏四合人賦性貞靜歸麥四載家被賊

欲汚之強之行楊臥路側罵不絕口賊刃之未殊得

不死時懷孕三月後誕一子逾二載夫死撫孤孀守

厯七十餘載邑令黃大鵬詳請旌表建坊曰貞壽

之門壽百有六歲

李惠先妻梁氏滄珍人惠先髫年時星士相之曰此

子當得賢配然年不過十九蚤娶尚可得嗣也其父

信之丞聘梁氏為婦年十八于歸十九而惠先死遺
腹生子家甚貧紡績餬口比子長教以詩書未冠有
文名歲癸卯遭剽保之禍婦女多被掠梁氏堅拒賊
咎其背血流遍體手為之折歎曰吾乃未亡人所以
留此殘喘者以幼子未成立耳令吾子稍長豈肯入
羣擄隊中以污吾節耶遂赴水死越三日屍浮出面
如生鄉人為詩弔之

上俱同

王天方妻鄧氏竹萌淇園里人康熙間土賊據大官
田為巢穴四出剽掠己酉六月十二日劫淇園里天
方被縛鄧故頌長有力操刀與賊相持賊恨甚先割
其兩乳繼解其四肢並殺天方棄屍於河即今竹萌
望海之濟渡處也越日鄉人收其骸與夫合葬焉墳
左右為近村牧地牛羊至此輒避去不踐其墓若有

知者是日也王氏男婦老幼死者數百人今年歲六
月十二同於祖祠拜忌日云縣訪
廩生李英舒妻劉氏坡山人康熙己酉山賊劉保行
劫呼為姑母以所掠金帛遺之劉罵賊玷辱宗祖擲
金於地賊刃之仍罵不輟遂被殺年三十三歲英舒
念其義不復娶志舊
庠生劉進妻李氏古勞人進有文名而矢遺孤甫五
月氏年二十八食貧茹苦矢志不勉其子成學業比
遭亂播遷必携先世遺編以行命其子曰此汝家手
澤不可失也卒年七十子一麟康熙辛未進士同
何迴宗妻秦氏樓村人康熙十四年十二月初五日
土賊劫樓中艷其美掠子去秦罵不絕口賊殺之村
外牛山側家人遂葬於此縣訪

羅登振妻曹氏大寨坪人年二十四夫故撫孤守節
康熙三十年賊李長鬚等屠村肆行強暴曹毀容罵
賊刃傷右股幸不死孀守五十餘年鄉人公舉請

旌

貢生呂應龍繼室黃氏樓坪人年二十七守節不渝
壽九十二康熙間學使陳均額其門曰柏操松齡
古緯坤妻劉氏龍溪人劉一麟次女艱於子嗣脫簪
珥為夫立妾未幾夫以苦學得病死為營殯葬踰三
月妾麥氏生一子時麥年二十勸之出不聽劉憐其
志益善遇之相與苦志勤儉紡績孝事家姑撫幼子
如己出及姑死鬻衣喪葬雍正甲辰二月卒
生員呂隆妻彭氏草堂人康熙辛丑年隆故時彭年
二十六子甫週歲哀痛慘怛如不欲生以撫孤而止

遇夫與舅姑生辰諱日哀哭感動鄰里居常不假嘖
笑不輕出入兢兢守歷三十餘年如一日
李自煥聘妻梁氏雙喬西園人年二十夫死奔喪守
節雍正九年邑侯張浹旌其廬曰純貞卒年七十二
祀開平節孝祠

趙成潤妻李氏幕房人潤死自縊雍正十三年撫憲
具疏稱氏青年失偶矢志堅貞懼母奪志慷慨投繯
如斯勁節洵屬可嘉相應題請旌表以維風化
庠生許越翹妻宋氏古勞人年二十五無子越翹屬
續時宋嚙指訣曰妾未能即從地下者以嗣子未定
及君喪葬諸大事耳黃泉相見請俟三年所不如約
者有如此指後拮据喪事纖悉周至及釋服定繼遂
拜木主入室自縊家人救甦竟不食而卒

黎鳳祥聘室宋氏平岡家崧女崧聞鳳祥祖母有惡疾即悔昏還以原聘物黎佯諾崧信為然別許字譚哥炳女知之即不食鄰嫗強之自是言笑不如往日及笄鳳祥仍備禮以請崧閉門不納女乃對鄰嫗泣曰文母主之女復何言顧絲蘿已定義不容更況從黎則譚爭從譚則黎爭均不利於吾父吾志決矣是夕自縊閨中

應襲生員吳勳妻楊氏為廣海衛百戶楊喬女年二十一生子甫二旬勳故日夜泣血不已後竟喪明而死

劉植佳妻何氏龍溪人劉一麟次媳也歸植佳時翁新舉進士何紡績佐讀屢以繼述勸其夫未幾翁喪植佳以哀傷過節抱病家道蕭然何脫簪鬋衣上供

老妯下療夫病產女甫三齡植佳故悲悼欲死以姑
老女幼而止時年二十五外戚有勸之改適者何曰
吾生長詩書之家歸於禮義之門祖曉廉節詎敢違
耶遂閉門不通往來立嫡伯子承繼教之成立卒年
八十四與夫弟植端妻同老守節人稱雙壁
劉植端妻李氏劉一麟李媳植端性嗜酒弗事生產
姑老無依李悉出奩資養之年二十四舉一子甫二
歲植端以酒病卒母欲奪其志李泣向天自矢曰欲
我受節除是大塊成灰耳由是益謹閨門首不飾釵
身不衣帛刺繡紡績事姑育子與夫嫂何氏同孀守
卒年七十四
李教育聘室施氏祿洞人育未冠而卒施年十九聞
訃痛哭即欲奔喪父母止之女曰吾既以李為夫義

難斷絕不許吾歸李惟有一死耳父母不得已白於
舅姑許之歸僅數月姑亦殂事翁備盡孝養年六十
二卒

李英護妻馮氏祿祠人護年十八卒馮聞訃即奔喪
守志事舅姑克盡婦道終身不出戶庭卒年五十二
勞德凝聘妻關氏龍溪人凝卒年十四聞訃縞素奔
喪欲即靈前自引決舅姑以立嗣勸乃毀形割面恪
事舅姑未幾姑沒事繼姑無間言每歲寒食必登夫
墓哭祭以凝弟德兼子為嗣未週年而殤哀痛絕粒
七日卒以合葬夫墓為囑當道薦紳帛輓贈詩盈篋
呂毓芳妻梁氏吳娘年十九婚期定而毓芳病篤父
曰呂子好學疾勢如此恐不起矣吳娘從容言曰兒
頗知書文能以古人視我我決能完節不貽父母羞

父許之歸信宿而毓芳死哭娘以頭搶地血淚交迸
暈而復甦者數回終喪後足不踰閭事舅姑執婦道
居常與張先兩妯同居小樓紡績不憚勞瘁張母常
病哭娘侍藥衣不解帶及哭娘病劇兩妯願以身代
雍正十年觀風整俗使來粵廉知其節欲咨移學憲
題旌以年例未符而止

何登先聘室方氏樓冲人聞訃升喪事翁姑盡誠敬
為夫立嗣孀守數十年乾隆三年旌表建坊入祀

節孝祠

易士芳聘妻何氏坡山人芳病欲歸侍藥父不許越
數日芳病垂危泣告父母曰女既許易氏今郎病姑
寡其誰事乎求歸益堅父母告諸易曰中迎歸日八
芳卒擗踊哭泣成服盡禮夫有幼弟甫七歲體姑志

為之撫養未幾姑亡夫弟亦繼歿榮子獨守歷三十
年孤苦備嘗

馮仇妻梁氏越塘人生二女無子年二十八而夫死
孀居食貧父母欲奪其志乃剪髮自誓紡績維勤清
白無玷年八十卒

馮士正妻李氏越塘人年二十一生一子甫週歲而
士正故矢志自守撫育孤兒饗食不給並無怨悔正
貧富人錢紡績償之終不以清貧易志堅持節操以
天年終

馮彥式妻林氏越塘人年二十子歸三載生一女而
彥式卒欲即從夫地下念身有孕而止育遺腹子歷
二十年鄰里鮮識其面人無間言

李瑞安妻施氏祿洞人十九歸瑞安逾歲產子彌月